

MICHIKHUR KOIINDANG

GOSPEL DIAMOND JUBILEE
(1952 -2012)

60 years



A

SOUVENIR

of

Gospel Diamond Jubilee

PCI Michikhur

Ziaktu:

Rev. Sumchonlal Hrangkhoh

*Published by: - Michikhur Koiindang (PCI)
31st December, 2012*

Chongbâi Lamtoihai (Abbreviations)

Dmt	-----	Dongmate (<i>Mistress, Miss</i>)
Evan.	-----	Evangelist
Fin.	-----	Finance
Ft.	-----	Famtâk (<i>Late</i>)
h /o	-----	husband of (<i>a pasal</i>)
i.e.	-----	<i>id est.</i> , that is, kha khah.
HKVI	-----	Hrangkhoh Kristian Vanglai Inkhômpui.
NSSU	-----	Naipang Sunday School
Union,		
PYF	-----	Presbyterian Youth Fellowship
PWF	-----	Presbyterian Women Fellowship
PCI	-----	Presbyterian Church of India
p	-----	page (<i>phêk</i>)
pp	-----	pages (<i>phêk tam ual</i>)
PS	-----	Preaching Station
Rt.	-----	Ruatharte (<i>Mister. Mr.</i>)
Tk.	-----	Tirko
TSSU	-----	Tangram Sunday School Union.

Thurchi Sâ sinthotheina
(The power of the Gospel)

A SUNGA THU OMHAI
(CONTENTS)

Thumahruai	
iii-iv	Ziaktu Thuma		
.....		v
	Chubai mûkna le lômpuina thuchahai	<i>(Greetings & messages)</i>	
vi			
I. Michikhur khua le mipuihai		
1 - 2			1.
	‘Michikhur’ irhming omzia.	
	2. Michikhur khua thurchi.	
	3. Michikhur khua-ah Mission Workers	
II. Thurchi Sa (Gospel) lûtna		3 -
5			
	1. Thurchi Sa lût phutna.		
	2. Kristian chang phutna <i>(Conversion)</i>		
	3. Michikhkur Khua-ah Mission Workers		
III. Koiindang Sinthona le Masônna		
6-10			
	<i>(Activities and Growth of the Church)</i>		
	1. Koiindang indingna.		
	2. Biak In sinna.		
	3. Koiindang indanna <i>(Full-fledged Church)</i>		
	4. Koiindang a harna <i>(Revival)</i>		
	5. Koiindang irkaihruaina <i>(Administration)</i>		
	6. Irtepna le sum-puan <i>(Statistic and finance)</i>		
	7. Kristian irchutirna <i>(Christian Education)</i>		
	8. Ramthim sinthona <i>(Mission & Evangelism)</i>		
	9. Irtha tianga masonna <i>(Spiritual Growth)</i>		
	10. Malam tiang Koiindang thiltum <i>(Future Plan/Vision)</i>		
IV. Michikhur Koiindang Nupang Pâl (PWF)		11-
12			
V. Michikhur Koiindang⁽ⁱ⁾ Vanglai Pâl (PYF)		13-
14			
VI. Michikhur Koiindang Nainang Pâl (Children)		

Published by:
 The Presbyterian Church, Michikhur
 (Tangram Presbytery)
 Dittokcherra, Dima Hasao Dist., Assam

1st Edition - 2012
 Copies - 300

LOMPUINA THUCHA

Date: -10th Dec., 2012

Michikhur bial sũaga Koiindang upa (*senior*) tak chu P. Michikhur Koiindang a nia; kumin 2012-ah hin Gospel Diamond Jubilee (1952 - 2012) kum somrukna (60th-na) Jubilee lom (*celebration*) nei thei hrang le Koiindang thurchi hriatmaina Souvenir bu insiam theia an om tak sikin bialin ei lom puihai tak tak a ni. Hiang tena ni hruai intungtu ei Pathian chu inpakin om ri se.

Pathian changpuina zarin tualsũaga Koiindang P. Michikhur hin hianga Gospel Diamond Jubilee lomna le Souvenir bu insua theia an om hi Koiindang Puihling an ni zia le an takirtai zia a'nlanga, Michikhur bialin an chungna lomthu a insir a ni.

Hi Gospel Diamond Jubilee hmangtuhai le tualsũaga Koiindang P. Michikhur mipuihai hi neka;hrat le masonna an pan zel theina hrangin Pathianin satvurin, ompuihai mai si se.

Sd/-
Upa. Laldarril
Chairman,
Michikhur bial

Sd/-
Pu. Remthang
Sr. Secretary,
Michikhur bial

THUMAhruai

Kum 1952 ata kum 2012 Gospel Diamond Jubilee kum a nin phaktirtu ei Pathian chu inpakin om ri se.

Khan, Michikhur Koiindang inding phut tirtu pi le pu-hai Pathian satvurna an lei dongna zara hianga Jubilee roinpuai tak ei hmangtu thei khom hin asan an chungna ei lom a ni.

Michikhur Koiindang hin Julilee lomna le Souvenir bu la nei ngia mak mea, kumin 2012-ah Pathian hruaina zar le Koiindang hruaituhai hratna zar le bialtu Pastor irnak ni songpuina zarin, Gospel Diamond Jubilee lomna hmangtu thei le Jubilee Souvenir bu insua theia ekin om tak sikin kin lom tak tak a ni.

Khan, Jubilee chungchanga a ni buaipuitu Rev. Sumchonlal Hrangkhoh (*bial Pastor*) chungna khom asan ei lom. Hiang tena ni enkola, ni hruai intungtirtu ei Pathian chu roinpuina chang ri se. Sunmatona khom taksa le irtha tiang masonna ei dong thei zelna hrangin Pathianin ni hruai mai sian lan, hi Jubilee lomna hi ei Pathianin choirsangna le roinpuina dong ri se.

Michikhur Gospel Diamond Jubilee thupui chu: - "Gospel sinthotheina" (*The Power of the Gospel*) a nia, hi Gospel sinthotheina lian tak hin ei ram, ei nam le ei nunzia a'n danglamtira, a siaminsa tak sikin; hringna Thurchi Sa (*Gospel*) ni pektu ei Pathian chu roinpuina le choirsangna chang ri se.

Koiindanga sinthotuhai, Jubilee hmangtuhai le ni changpuituhai murdi Pathianin satvurhai mai ri se.

Sd/-
Upa T. C. Thoi,
Chairman,
Michikhur Koiindang
Tangram Presbytery

Sd/-
Pu. Khuptinglal,
Gen. Secretary,
Michikhur Koiindang
Tangram Presbytery

THUMAHRUAI

Michikhur Koiindang hi kum 1952 (Gospel dong kum) reng ata Pathian ni hruaina zarin kum 60th-na Diamond Jubilee hmang thei ta hrangin zoro sa tak chung Pathianin a ni pek sikin Pathian chung a lōm thu om ri se.

Khan, Michikhur Jubilee Celebration Committee'n hi Jubilee Souvenir ziaktu hrangin ei bial Pastor, Rev. Sumchonlal hi mophurna pek a nia, hianga Souvenir bu ziakei le insua theia ei hong om tak sikin, a chung ei lom tak tak a ni. Kha khela, hi Jubilee Celebration hmangna chungchanga ni buaiputihai chung a khom lōmthu ki hril sa a ni.

Hi Gospel Diamond Jubilee thupui chu - "Gospel sinthotheina" (*The Power of the Gospel*) a nia, hi Gospel sinthotheinaa hin ei ram, ei nam le ei nunzia a'n danglamtira, a siaminsa ta a ni. Khasikin, hringna Gospel ni pektu ei Pathian chu roinpuina le choiirsangna chang ri se.

Sd/-

*Upa. T. C. Thoia Cholkha
kheng*

Chairman,

Date: 12th Dec., 2012
Haflong

Sd/-

Upa. Darril Bang-

Secretary,

ZIAKTU THUMA

Michikhur Koiindang Gospel Diamond Jubilee (1952 -2012), kum 60th-na (*somrukna*) chu kumin 2012 hi a hong chuk taka, hiang tena a mihai hruaitu Pathian chu inpākin om ri se. Michikhur bial sūnga chu hi Michikhur Koiindang hi upa tak a nia, bial hming khom Michikhur bial tia phua a ni. Kum 2007, October tha rengata hi Michikhur bial hi enkol hrangin CHT Synod-in mophurna a ni pek a, a tun tenh hin Pathian hruaina zarin ki la enkol mai a ni. Khan, Church Visit / Pastoral visit ki neina hin Koiindang thurchi, Jubilee Souvenir a nangzia le a poimozia ki hrilpuihai ngaia; anni khomin a nangzia inhriatin Koiindang Jubilee lomna le Souvenir bu siamna lungril neiin siam theina dinghmun an hong om tak sikin ki lompuihai tak tak a ni.

Michikhur Koiindangin Gospel Diamond Jubilee hi an nei masa taka; inlang a ni. Silver Jubilee le Golden Jubilee chu hmang thei loiin a lei iliam tak a ni. Inhriatmaina Jubilee Souvenir-hai khom la nei ngai mahai khan khomin 2012-ah chu Michikhur Koiindang Gospel an dongna niata a vuan kum ten hin Gospel Diamond Jubilee a hong nia; Koiindang thurchi a om theina hrangin Jubilee Souvenir chu siam nget hrangin tumna kin nei puilai tak a ni.

Khan Jubilee hmang hrang le Souvenir siam hranga tumna neiin Jubilee target-hai khom thei lam takin; dong tinin an tho tak a ni. Khanchu Michikhur Koiindang committee-in hi Gospel Diamond Jubilee Souvenir bu siam /ziak hrangin an nin thanga; ki mophurna ki lāk rualin asan ki ngik dōr dōr a ni. Asan chu Koiindang thurchihai ziaka fel takin a lei om no sikin intak ki ti ok a ni. Sintum dang dang tamtak le bialhai enkol pumin Pathian irhngatin ki hong siama; Pathian changpuina le Koiindang nupahai chongchai puina zarin Souvenir bu siam thei le lom theina ding hmuna ei om tak sikin ni hruaitu ei Pathian chu choiirsangin om ri se. Khan, hi Souvenir bu-ah hin chongbāi (*wording*), spelling, printing chaina a om khomin teptuhai ngaidamna nangni ki ngen a ni.

Hi Souvenir teptuhai le Jibilee hmangtuhai Pathianin satvurhai mai ri se

Date: 12th Dec., 2012
Haflong

Rev. Sumchonlal Hrangkhol
Pastor,
i/c Michikhur bial

2. Thurchi Sa pomna (Conversion)

Thurchi Sa Gospel poimo ti hi Kristian changna / Kristianna irletna (*convention into Christinity*) tina a ni. Michikhur khua Thurchi Sa hong lûtna le Thurchi Sa hriltuhai hi Pathianin sat a vurhai maia, kum 1952 tena chu Michikhur khua mi Pu. Tanglalsiak Hrangkhoh hi Thurchi Sa pomin Kristian a hong chang tak a ni. Khan, kum 1952 hi Kristian changna tak tia, chel a ni ta. Kum 1952 December tha tenah chu Kristian chang zon hi mihriam 10(somkhat) an hong ni tak a ni. An irhminghai chu hiang hin tarlang a ni: -

- 1) Tanglalsiak, 2) Songdarhoi 3) Tangliankhup
- 4) Simlalsiak 5) Simlalzing 6) Menchonvong
- 7) Donlalthoi 8) Vansumnei 9) Chonhruilal
- 10) Donlalhoi.

Kristian sakhua hnôlna le soiselna tam tak kara hin Pathian ram chu a'rzat zêla iamtu an hong pung thiai mai tak a ni.

Khan, kum 1953 January tha bul tiang khan Michikhur khua hin kum thar hmang hrangin Mualsei khua-ah Kristian senkhat le hnam dang Kristian senkhatin an hong inkhompuihaia, kha zoro khan harna (*revival*) a hong chum tak a ni. Khanchu, harna chum kum 1953 reng ata chu Thurchi Sa a hong irzat thiai Kristian an hong pung mai tak a ni. Hrangkhoh nam laia chu Michikhur khua hin harna (*revival*) chum masa tak a ni. Khan, kum 1953 harna chum kum ata chu khua dang danga Kristian khom Michikhur khua an zuang kanhaia, iamtu khom an hong pung maia; khanchu, kum 1954-ah khan Michikhur khua hin Koiindang biak In indingin, Preaching Station / Branch Church-ah siam a hong ni tak a ni.

Kum 2012 tena chu Michikhur hi Kristian zit an hong ni ta. Kristian dông zon (*Christian family*) chu 26 (*twenty-six*) an hong ni tak a ni. Atuna Michikhur Koiindanga Kristian dong zon irhming chu hiang hin tarlang a ni.

- 1) Upa Laldarril
- 2) Pu Darrilom
- 3) Pu Phirsuibul
- 4) Pu Moilaljem
- 5) Pu Simlalngul
- 6) Pu Lalngirngul

CHAPTER – I
MICHIKHUR KHUA LE MIPUIHAI
(Michikhur Village and the People)

Michikhur khua le a rama mipuihai thurchi hi a tangpuiin hiang hin a toi lam takin tarlang a ni.

1. Michikhur omzia:

“Michikhur” ti chongbai hi a ram mi Hrangkhoh chonga (*local dialect*) a nia, chongbai inhni irhlop a ni. “Michi” ti chu English chongin *salt* tina a nia, ‘khur’ ti chu ‘*pit*’ tina a ni. Khasikin, Michikhur ti omzia chu michi suakna hmun le khur tina a ni. Tianlai khan hi hmuna hin michi an lei era; khasikin, kha michi an lakna iva dung kha Michikhur dung (*Michikhur river*) tia irhming irput mai a ni. Bible-ah khom hin ‘Michikhur’ ti chongbai hi hmu thei a ni (Jak. 3:12).

2. Michikhur khua irzir thurchi:

Michikhur khua hi tianlai ata Hrangkhoh namhai lei omna ram a nia, kum 1805 vêla lei om tak tia hriat a ni. Sorkar Rail lam (*Railway*) lei hong zam mana hi khua hi klei om tak a ni. Michikhur khua omna ramri (*boundary*) chu nisua (*east*) tiang hin Jatinga vadung le Harangajao Railway Station / Bazar a oma; sak tiang (*north*) tiang hin ngalim vadung le Boro Lokha khua a oma; nitak (*west*) tiang hin Ditokchal vadung (*Dittokcherra river*) le Hnachangzol khua a oma; sim (*south*) tiang hin Dittokcherra Railway Station / Bazar a om, Jehova Prayer Home a om. Khan, Michikhur khua rengata khua dang chuan hi khua hni a om, an irhming chu- 1) Lower Michikhur le 2) New Michikhur a ni. Khanchu, Michikhur khua hi irhming inthum a hong inlang tak sikin, inhriat infel theina hrangin atuna khua milui tak irhming hi

record-ah irhming lei om chu “Michikhur Village” ti ringotin irhming lei chuang a ni. Michikhur kua hi Dittokcherra Railway Station rengata kilometer 2 (*two*) vêla hlâ a ni.

Michikhur kua hong chuan masa tak hmun chu ‘Tuidamdi vadung’ (*Tuidamdi river*) kola a nia, kha hmuna khan kum 25 vêl an om hnungin Ngalmfuan vadung le Michikhur Vadung kong kara an hong irson nôk tak a ni. Tuidung irhming- ‘Tuidamdi vadung’, ‘Ngalmfuan vadung’, Michikhur vadung’ ti hai hi Hrangkhoh chonga phua zit a ni. Khan, Michikhur kua hong om phut lai khan dông zon chu 31 (somthum inkhat) an nia, an irhminghai chu: -

- | | | |
|----------------------|---------------------|------------------|
| 1) Pu. Suante | 2) Pu Tangjingkhup | 3) Chonhruilal |
| 4) Pu. Darthangbul | 5) Pu. Phirlalthang | 6) Pu Saijingpai |
| 7) Pu. Chongbuangril | 8) Pu Ngirtingbul | 9) Pu. |

Buangthangsuan

- | | | |
|----------------------|--------------------|--------------------|
| 10) Pu. Thangrilsuan | 11) Songlalkhum | 12) Pu Podomsing |
| 13) Pu Ngullalsui | 14) Pu Ngullalngul | 15) Tanglalsiak |
| 16) Pu. Sumlalsiak | 17) Pu Thirlalsong | 18) Pu Donthunglal |
| 19) Pu Vanzingher | 20) Pu Jingkhuplal | 21) Pu |

Khorkhobahadur

- | | | |
|----------------------|---------------------|--------------------|
| 22) Pu Thangbuanglal | 23) Pu Relsingpai | 24) Pu Amiruddin |
| 25) Pu Thoidarlal | 26) Pu Jinglalthoi | 27) Pu Tanglalsuan |
| 28) Pu Ngirlaljem | 29) Pu Tangliansiak | 30) Pu Songlianlal |
| 31) Pu Vongthoikhup | | |

Khi a chung a insungkuahai hi sonong (*non-Christian*) zit an ni. Hi Michikhur kua mihai hi Hrangkhoh nam an nia, loiman sintho mi (*Cultivator*) mi zit an ni. Tianlai khan chu lekha thei khom om mahai, Sorkar (Govt)-ah sintho khom om mahai. Atun hin chu Lekha irchu an hong tui viat taka, Government-ah sintho khom inkhat le inhni chu an om tak a ni. Kum 2011-ah khan Electric Current khom a hong ta. Michikhur kua hruiaituhai (G.B) irhming chu: -

- | | |
|--|---|
| 1) Pu Dartong Chorai (kum 1920-ah thi)- <i>Ft.</i> | |
| 2) Pu Buangthangsuan (kum 1935-ah thi)- <i>Ft.</i> | |
| 3) Pu Ngirtingbul Bangkheng (<i>Ft.</i>) | 4) Pu. Ngirtinggir Bangkheng (<i>Ft.</i>) |
| 5) Pu Laldarril Bangkheng | 6) Pu Lalngirngul Pena (<i>present</i>) |

Michikhur kua hin mihriam an hong pung zela, Kristian khom

CHAPTER – II THURCHI SA HONG LUTNA (*Coming of the Gospel*)

Michikhur khu-a Thurchi Sa (*Gospel*) hong lûtna thurchi hi lekha bu a ziakin a lei om râk no sikin, sui suak zit hrangin chu an taka, khasikin, a tângpuiin Thurchi Sa hong lût phutna le Kristianna an irpêklûtna hi a tõi lam taka hiang hin tarlang a ni.

1. Thurchi Sa lûtna.

Michikhur kua hi lei upa ok tak ni khom sian Thurchi Sa hong lûtna le Pathian Thu hring an dongna chu a’nhnung. Hi kua vêla nam dang khuahaiin chu Thurchi Sa an lei dong masa sikin, hi Michikhur kua hin Thurchi Sa an lei hong hril ngai ti hriat a ni. Kum 1951 bul tiang khan Gospel Thuhriltu senkhatin Michikhur kua hin Thurchi Sa an lei hong hril ngai a ni. Khasikin a kua mihai hin Kristian sakhua (*Christinity*) hi asate rengin an la hnôl ngai a ni. Hi taka Thurchi Sa hong lût puituhai chu Hmar, Biate le Thadoi Kristianhai an ni.

Khabana, Pu. Suanchungthang Hrangkhoh Chaptuk hin Hrangkhoh nam laia Itinerant Evangelist / preacher hrangin appointment pêk a nia, Hrangkhoh kua tina hin Thurchi Sa a hril ngai Pu. Suangthang hi Hrangkhoh nam laia Kristian chang masa tak a ni. Kum 1935-ah khan Christian a chnaga, ama khomin hi Michikhur kua hin Thurchi Sa a lei zuang intungtir ngai a ni.

Kum 1952 tena chu hi Michikhur kua hin Mission sinthotu (*Worker*) sia tumna a hong om tak a ni. Khan, kum 1952-ah khan Michikhur kua hin Mission Worker, Pu. Gopgen (*Evangelist*) chu a hong om tak a ni. Evangelist Gopgen hi Michikhur kua delin Thurchi Sa a lei hril mai ngaia, kua dang ata Kristian masahai khom hong panin Pathian Thu an lei hong intung mai ngai a ni.

5. Koiindang irkaihruaina (Administration)

Kum 1952 - 1955 sùng chu preaching station (*Branch Church*) -ah siam a nia, PCI Boro Lokha enkolna le irhngatna hnuai om an ni. Khan Koiindang hong puihling theia, kum 1956-ah chu Koiindang puihling siâm a hongni taka; khanchu, mani irkaihruaina Koiindang i'rrelbôlna neiin office bearer inthangin Committee phutin inkhom hruaina siam a ni. Koiindang irphut laia minute book-hai an nei tano sikin tianlai O/bearer-hai le a dang dang inkhomhruaina chu inlang phâk thei ni ta mah.

A tuna kum 2012-ah Koiindang office bearer-hai chu hiang hin a ni :

a) Koiindang puia O/B Committee.

- 1. Chairman :- Upa T. C. Thoi
- 2. S/School Suprintendent :- Upa Darril
- 3. Gen. Secretary :- Pu. K. T. Lal
- 4. Treasurer :- Pu. Simlalthoi

b) Jubilee Celebration Committee :-

Michikhur khua le Koiindanga hin Jubilee reng reng la hmang ngai mahaia, Khasikin, Jubilee Committe khom an la nei ngai loi a ni. Kum. 2012 tena chu Michikhur Koiindang irzirna hi kum 60 years (*Diamond Jubilee*) a hong kâi taka, Diamond Jubilee lomna nei hrangin Committee inding a ni. Hi Jubilee hmangna hrangin target khom siam a nia, Hi taka, Jubilee Celebration Committee-ah office Bearer-hai chu hi a hnuai a hai hi an ni.

- 1) Chairman :- Upa. T. C. Thoi.
- 2) Secretary :- Upa Darril
- 3) Treasurer :- Upa. Vansumthang (Ft.)

Upa Vansumthang chu tarik 21st Arpil 2012 ni hin hi hnuai ram a ni lei maksan tak sikin, ama irthûla a chanpuinu Pi. Darrilhub hi Treasurer sintum pêk a ni.

Michikhur Koiindang Committee-in Jubilee Sovenir ziaktu hrangin bial Pastor Rev. Sumchonlal (Rev. S.C. Lala) mophurna pêk a ni.

- 7) Pu. Dhram Kumar
- 8) Pu. Simlalthoi
- 9) Upa. Thangchunthoi
- 10) Pu. Ringngir-siak
- 11) Pu. Roisonngir
- 12) Pu. Laldonkhup
- 13) Pu. Vansumthang (Ft.)
- 14) Pu. Lalngirlian (Ft.)
- 15) Pu. Vanlalchung
- 16) Pu. Lianthang
- 17) Pu. Sumtinthang
- 18) Pu. Lalremthang
- 19) Pu. Mosom Lama
- 20) Pu. Khuptinghlal
- 21) Pu. Simlalthoi
- 22) Pu. Sumlallian
- 23. Pu. Lalmanher
- 24) Pu. Birmon Lama
- 25) Pu. Bimbahadur Chetri
- 26) Pu. Lianthoibul.

3. Michikhur khua-ah Mission Workers: -

Michikhur khuaa Thurchi Sa (*Gospel*) lei hong hriltu chu Pu sunga (Pu Ralapa) a ni. Ama hin Kristian a inchangtirhai a ni . Kum 1951 - 1952 vêla sin lei tho a ni. Inhnunga chu Presbytery-in Mission workers

a zuang pêk tak a ni. Mision Worker-hai irhming chu: -

- 1) Pu. Kopgen Vaiphei: - Kum 1952 vela sin lei hoa ni.
- 2) Pu. Chongpuia Darnei (Lalkungipa).
- 3) Pu. Rosang Hmar
- 4) Pu. Dinga Khuothir
- 5) Pu. Gentinkham
- 6) Pu. Khaikhogen
- 7) Pu. Gensiak
- 8) Pu. Lalmisong
- 9) Pu. Sumvanril

CHAPTER – III
KOIINDANG SINTHONA LE MASONNA
(Activities and Growth of the Church)

Hi bunga hin Michikhur Koiindang indingna Biak In (*Chapel*) siamna, Pathian Rama sinthonahai le masonnahai târ lang a ni.

1. Michikhur Koiindang indingna
(Establishment of the Church)

Kum 1952-ah hin Michikhur khua Kristian chang irphutna bul chu a nia, khasikin, kum 1952 ata lakin kum 2012 tenh hi Gospel Diamond Jubilee hmang a hong ni. Kum 1953 January bul tiang khan harna (*revival*) a chuma iamtu an hong pung zela; khanchu, harna chum kum 1953-ah rengata chu Michikhur khua-ah Koiindang biak In a hong inding thei tak a ni. Branch Church /Preaching Station a hong inding ata chu Boro Lokha Koiindang enkolna hnuai lei om an ni kum 1953 tena chu Kristian dông (*Christian family*) chu 7 (sari) an hong ni ta.

Kum 1954-ah khan Michikhur khuaa Preaching Station (P/S) phun a nia. Boro Lokha Koiindang enkolna hnuai om an ni.

2. Biak In (*Chapel*) siamna thu.

Michikhur khua hi voi hni voi thum irthonin an oma, biak In (*chapel*) sinna masa tak chu Thingsakor muala an chuana Biak in masa tak inding a ni. Biak in chinte an dingna kum chu 1952-ah a ni. Atun Biak In hi chu P/ Station rengata tepin voi (riatna) sinna

3. Koiindang indanna (*full -fledged Church*)

Kum 1952-ah khan Biak In chînte sin a nia, kum 1954-ah khan Preaching Station-ah (PS) siamin, Boro Lokha (Khasi khua) Koiindang enkolna hnuai lei om mai an ni. Khan, Kristian hong pung maiin, Koiindang chu a hong puihling zela, kum 1956 May tha khan Koiindang puihling (*full-fledged Church*)-ah siam a ni. Kha puihlinga siam khah Koiindang Indanna pek ti a ni. (Khan, Michikhur Koiindang puihling nina kum hi Jubilee Souvenir buah dang danga lei chuang hai Kum 1959 tiin ziak a nia, kha khah printing chaina (*printing mistake*) a ni. Hi hih Michikhur Koiindang

4. Koiindanga harna (*revival*) chum.

A matonna lei hril tak angin kum 1952 bul tiang khan Michikhur Kristian chang tâk (Pu. Tanglalsiak Hrangkhol) a oma, Mission worker khom kum 1952-ah khan sia a ni. Khua dang danga Kristianhai a bikin (Mualsei Koiindang mihai) hin Thurchi Sa hri- lin an zuang inkhompuihai ngai a ni. Kum 1952-ah Christmas le kumthar (1st Jan. 1953) khom a hong hmang puihaia; khan, Tarik 1st - 4th January 1953-ah Michikhur khua khan inkhomna an nei lai takin Harna (*revival*) a chuma Thurchi Sa an hong pung intam tak a ni. Kha harna chum kha Pathian ram lianna bula a hong chang tak a ni. Kha rengata chu mihriam nun khom a hong danglam uala, fâk saloi (kani) khom an hong mâk theia tâk tia hriat a ni.

Khan harna chum kum 1953 rengata chu khua danga Kristian senkhathai khom Michikhur khua an zuang pan haia, Thurchi Sa inthorna an neipuihai ngaia. Krista iamtu an hong pung mai tak a ni. Koiindang khom an hong hrat zêla Inkhom lama thilpêk lama sinthona lama hin mason zêlna a hong om tak a ni.

2. Nupang (PWF) sinthona le masônna (Main activities and growth) :- Michikhur Koiindang Nupang pâl (PWF)-hai sinthona le masônna chu a bong lam takin hi ang hin tarlang a ni.

a) Faifôk (handful of rice) :- Pathian Rama Nupanghai sinthona chu bu an êrh rikipa faifôk an itho ngai hi a ni. Hi nupang hai faifôk sum suak hi Presbytery le Synod dena sumpuia lût ngai a ni.

b) Thinghera sumsuakna :- Nupang-haiin Sunday School inkhom (10 AM-ah) an fe rikipa hin dong tina nei'n thingher inkhat a choi ngaia, kha thingher kha buk khômin an zuara Pathian Ram irzatna hrangin an hmang ngai. Hi hi Pathian Rama sumsuakna bul a ni.

c) Talent inpung :- Talent inpung hi Koiindang nuhai i'rsiatna le masônna satak a ni. Hi talent inpung hi tualsûng Koiindang le bial a khom an nei ngai.

d) Kut sin inlangna (Handicrafts) :- Pathian Ram i'rsiatna hrangin nupanghai'n kut sin an itho hai chu - Puan sil, Puan bom, Lukôm le thil dang dang an tho ngai a ni.

c) Sum ding hmun (finance position) :-
Nupang mizon le tholôm (Collection) hiang hin tarlang a ni.

Kum tion)	Nupang zon (Vanglai tep loiin)	Tholôm (Collec-
----------------------	---	----------------------------

6. Koiindang irtepnâ le Pathian Rama sum-puana pênka (Statistic figure and finance status)

Koiindang inding phut ata statistic report le Tholômhai hih Koiindang Register-ah lekha, Statitic record-ah le Minutes hmu thei a ni phâk ta no sikin ei inhriat zat ka kai a tangpui hiang hin tarlang a ni.

Kum	Kristian	Kristian	
Tholom			
	dông zon	mizon	(collection)
1952	07		22

Hi i'rtepnâ report-ah hin Michikhur Koiindang i'rhming irziakna Register (Local Church Membership Register) -ah irhming chuang ka kai târlang a ni.

7. Kristian Irchutirna (Christian Education): -

“Kristian irchutirna (Christian Education) 'ti hih 'Sunday School hi a ni. Koiindang hong inding phut lai khan chu Sunday School hi mumal takin la hong om thei maka, thuhiril inkhôm ang ringota la hmang a ni.

Koiindang indana (puihling) kum 1956 rengata chu puihling (adult) le naipang ti hi sensai a nia; khannisian, naipang irchuna bu hi mani chonga a la om no sikin, Bible Thu hi a tangpuiin irchuna nei ngaia ni.

Kum 1993-ah khan Tangram presbytery inding a nia, Presbytery hin Mizoram Sunday School Union (MSS) a zoma, Mizo chonga Sunday School irchulai bu kha hmang a lei ni. Khan Hrang-khol Literature masonna a hong hrat zela, kum 2007 rengata chu Tangram Presbytery'n Sunday School Union a'ndinga, a'rhming chu “Tangram Sunday School Union” (TSSU) a ni. Khanchu, TSSU hin mani chonga Sunday School bu hi Nursery rengata Senior tenh siam zit a ni taka; khanchun, kum 2008 rengata chu kha TSSU ata irchulai buhai kha hmang mai a ni tak a ni.

8. Ramthar sin (Mission & Evangelism): -

A phuta khan chu ‘Ramthim’ tiin phua a ni. Atun ata chu “Ramthar’ tiin irhming phua a ni ta. Koiindang sũaga le ramdanga sinthona hrangin Mission Fund nei ngaia ni.

Khan kum 2001 rengata chu ‘Ramthar Inkhôm’ nei a nia, tholôm khom nei ngaia ni. Ramthar Inkhôm hi a hapta tin hin Siphut ni (*Monday*) ni zân hin hmang a ni.

Michikhur Koiindang enkolna hnuai Branch Churches (Preaching Stations) lei omhai chu hi a hnuai Koiindanghai hi an ni:

- 1) PCI Dolaichunga
- 2) PCI Purana Zoar
- 3) PCI New Michikhur.
- 4) PCI Lower Michikhur.

9 Irtha lam tianga masonna (Spiritual Growth): -

Iamtuhai masonna hrangin Koiindangin hiang hin sinthona hai a nei:

- a) Harna Campaign (*Revival Campaign*) hi hun remchang enin nei ngai a ni. Hi Saninhringna Campaign ata masonna hong suak chu - chongchai nei nuamna, thilpek nuamna, inkhôm f e nuamna lama an hong hrat zel ngaia ni.
- b) Sunday School Training, Seminar, Mobile Theological Train- ing, Bible irchûna, nei ngaia ni.
- c) Zing inkhôm chongchaina hi kumtin nei ngaia ni.

10. Sunmaton tianga Koiindang thiltum (Future Plan): -

- a) Biak In lain ual sa ual sin tumna nei mai a ni.

**CHAPTER - IV
MICHIKHUR KOIINDANG NUPANG PÂL (PWF)
THURCHI**

Tualsung Koiindang le bial tina hin hlôm pâl (unit / wing) inthum hi chu a om chit ngaia, an irhminghai chu: -

- a) Koiindang Nupang Pâl (*PWF unit*)
- b) Koiindang Vanglai Pâl (*PYF unit*)
- c) Koiindang Naipang Pâl (*Children unit*)

Hi a chungga unit inthumhai sũaga hin atuna thurchi ei sui hrang chu Nupang Pâl (PWF) thurchi le a sinthonahai a ni.

1. Michikhur Koiindang Nupang Pâl (PWF) indingna le irkaihruaina (Establishment & Administration) :-

Michikhur Koiindang hi kum 1956-ah khan indanna pêk (*full fledged Church*) a nia; Michikhur Koiindang sũaga Nupang pâl (PWF) khom hi kum 1956-ah khan inding a ni. Aphut ata Koiindang i’rkaihruai dân balam angin PWF unit khom femai a ni. Adviser chu Koiindang sũaga ulian (*senior*) mani Koiindang Upa mani inthang ngai a ni. Chairperson om masa tak chu - Thoilianhli a ni secretary inkhat inthang a ni ngaia.

Khan sum-puan enkoltu hrang khom Finance Secretary le Treasurere inthang a ni. Khan kum 1012-ah Office bearers hai chu -

- i) Chairperson :- Pi. Lalsuamhoi
- ii) Gen. Secretary, :- Dmt. Roingirnei
- iii) Treasurer :- Pi. Lalzinghli
- iv) Adviser :- Pu. Simlalthoi.

Tualsũa Koiindang nupanghai inkhom (Worship Service) zoro chu Pathian Ni 11.00 AM a ni. Nupang Fund hrangin Tholôm (*offering*) khom an nei sa ngai.

CHAPTER - VII
MICHIKHUR KOIINDANG ORDAINED UPAHAI
THURCHI TOI
(Life history of Ordained Church Elders)

Michikhur Koiindang puihling siam kum 1956 reng ata tûn kum 2012 tena hin Koiindang Ordained Upa zon chu 4 (*four ordained Chrch Elders*) an ni taka, atuna damhai hi mi inhni an ni. An thurchihai ulian dôn ata hiang hin târlang a ni.

1. Upa. Donlalthoi Pena (*Famtâk*)

Famtak Upa. Donlalthoi Pena thurchi hi Koiindang record-ah a om ta no sikin, ei inhriat lam ang takin hiang hin târlang a ni. Ama hi Michikhur Koiindanga ordained masatak a ni. a suaknakum chu hriat thei ni mah. A pa irhming chu Famtak Ngirlaljem Pena a ni.

Upa Donlalthoi chanpuina (*wife*) irhming chu Famtak Pi Vansumnei Phuitong (Ft.) a ni; khan, (ama chu tarik 12th August, 2012 ni hin Rengpa kuang a hringna a lei irngam taka ni). Khan, Pathian ata rila râ, nai pasal minli (*four sons*) le nai nupang (*two daughters*) a nei. A naihai irhming chu aulian donin hiang hin ziak a ni: -

- 1) Pu. Lalngirhang (*Famtâk*)
- 2) Lalngirchung (*Famtâk*)
- 3) Upa Lalngirsiak (*Famtâk*)
- 4) Pu Lalngirngul (h/o Lalbiakmoi)
- 5) Pi Lalngirhoi (w/o Pu Suanthoithang Pena)
- 6) Pi Lalngirlom (w/o Lechonthoi)

Ordained ni: - 05th Feb., 1961

A hmun :- PCI Taizol Biak In, 5th Annual Session of Haf-long Presbytery.

CHAPTER - V
MICHIKHUR KOIINDANG VANGLAI PAL (PYF)

Michikhur Koiindang Vânglai Pâl (PYF) thurchi hi a tangpui hi ang hin tarlang a ni.

1. Vânglai pâl indingna le i'rkaihruaina (*Establishment and administrarion*) :- Kum 1956-ah hin Michikhur Koiindang hi puihling pêk a ni a chu Michikhur vânglai pâl (PYF) hi chu kum 1959-ah hin inding phut a ni. Inding phut laia khan chu vânglai mizon khom 10 (ten) rengôt keng an la ini.

Vânglai pâl irkaihruaina chu a phut ata PCI dân balam anga i'rkaihruaina nei a ni. Vânglai Pâl (PYF) Leader hi chairman a nia, Koiindang Upa laia mani, ulianhai sînga inthang a ni. PYF irphut laia Office-bearer-hai irhming chu ziak a lei om tano sikin inlang thei ni ta mah.

Kum 2012-a Vânglai pâl office bearers hai chu -

- i) Leader :- Pu. Sumtinhang.
- ii) Chairman :- Pu. Darrillom.
- iii) Secretary :- Rt. Tangsuanlian
- iv) Treasurer :- Pu. Siamlallril.

2. Vânglai pâl (PYF) sinthona le masônna (*Activities and Growth*).

Vânglai pâl sinthona hi a tangpui hiang hin tarlang a ni.

a) Vânglai Inkhôm (*PYF Worship Service*): -

Koiindang sîng vânglai pâl inkhôm hi hapta kar sunhnina (*Tuesday*) ni zân hai dar 6 PM- ah Vânglai inkhom nei ngai a ni. Tholôm khom an nei ngai a ni.

b) Vanglai nitna:

PCI dân angin vanglai tia lût thei chu kum 14 ata 40/45 sũa mi hi a nia, Vanglai nitna fees hi Presbytery ata a lei irêl angin Koiindang khomin lei choi ngai a ni. Kum 2003 ata chu mimala Rs. 3- (dâr thum) a ni.

c) Thu le Hla irsiakna (*competition*):

Thu le Hla lama irsiakna (*competition*) hi an hrata, bial le Presbytery level-a khom competition an nei ngai a ni. En loia Bible tepna (*Recitation*) le Solo le Zaipol khom an nei ngaia lômman (*Prize*) khom Michikhur Koiindanga Vanglai pâl in an lei dong sa ngai a ni.

d) Kut sin (*Handicrafts*) inlangna :-

Pathian Rama sum pungna hrangin kut sin inlangna khom nei a ni.

e) Vanglai i'rpan (*Visit*) :-

Tualsũa Koiindang le Koiindang dang danghai irpanna nei ngai a ni.

f) Irtepna le sum puan dinghmun (*Statistic figure and finance position*):-

Kum	Vanglai mizon	Collection (<i>Offering</i>)
1955	10	Rs. 10
2011	43	Rs. 4000/-

g) Sinthona dang dang :-

- i) Midang changpuina.
- ii) Sum inpong (*fund raising*)

CHAPTER - VI

**MICHIKHUR KOIINDANG NAIPANG PAL
(*Children unit*)**

Naipang pâl (*Children unit*) ti hi PCI dân dungzuiin kum 14 years hnuai mi hi naipang pâla lut a ni. Michikhur Koiindang sũa a naipang ta hrangin inkhom hi dar 1 PM -ah siam a ni. A phut rengata Vanglai le Naipang pâl irhlopa inkhomna lei nei ngai a ni. Indingna kum khom hi kum 1959-ah a ni.

Naipang an la ni sikin irkaihruaina lama chu Koiindang pumin an enkol ngai a ni. Sunday School -ah chu Nursery ata Senior dena irchûna an nei. Tangram Presbytery-in Naipang irchulai bu hi Nursery - Senior dena Sunday School books hi Kum 2007-ah hin siam a nia; Kha bu hai kha hmangin Naipang Sunday School inkhom hmang ngai a ni. NSSU inkhom hi Pathian ni dar 8 - 10 AM sung a ni.

Naipang irsiakna (*Children's competition*) hi Michikhur bial . levela, an nei ngaia, kum tin hin Michikhur tualsũa Koiindang Naipang haiin 1st, 2nd, 3rd lomman (*prize*) an man ngai a

3. Upa Thangchunthoi Cholkha

a) A insûngkua Thurchi (*His early life and family life*)

Upa. Thangchunthoi Cholkha hi August 1945 kuma P. Michikhur khua suak a ni. A pa irhming chu Famtak Songlianlal Cholkha a nih. A nu irhming chu Famtak Chondarhli Cholkha a ni. Upa. Thangchunthoi ureng thisen irkoppui u le sanghai (*blood-brother and sister*)-hai chu ulian dônin hianghin tarlang a ni.

1. Pu. Thangchunlian (Ft.) (Pi Darchonnei pa)
2. Pu. Thangchunsiak (Ft.)

(Pu. Lalchungbul pa a ni.)

3. Upa. Thangchunthoi (w /o Zingthoiboi). P. Michikhur
(Pi. Lalchungvong pa)
4. Pu. Thangchunril (h/o Pi Lalthlamuan), P. Zoar.
5. Pi. Thangchunkip (w/o Sumvanthang), P. Zoar.

Hi a chung a ringahai hi Famtak Songlianlal naihahi an ni.

Upa. Thangchunthoi Cholkha hi Tarik 15th April 1966-ni khan Koiindang dân irthiangin Pi. Zingthoiboi Bangkheng le hin Koiindang dân irthiangin PCI Michikhur Biak Ina irneina kut irsuina nei a ni. Pu. Thangchunthoi le a chanpuinu Pi. Zingchonboi leh hin Rengpa ata rîl a râ nai nupang 5 (*five daughters*) le naipasal 1 (*one son*) an neia, annaihahi irhming chu ulian dôn ata hiang hin ziak inlang a ni.

1. Pi Lalchungvong (w/o Pu. Ringngirsiak Michikhur.
2. Pi. Lalbiakmoi (w/o Pu. Lalngirngul, Michikhur
3. Pi Lalbiakhoi (w/o Pu. Simlalgul Michikhur
4. Pi. Lalzoihli (w/o Pu. Lalchonthoi, Zion
5. Pi. Laljoikip (w/o Pu. Rengchonher Kalimabong.
6. Rt. Laljoilom (Ruatharte), Student.

Irchuna (*Education*) tiang chu Upa. Thangchunthoi hi Bangali Medium Class III passed a ni. Kum 1958-ah khan a pa le a nu hi tha khat sûnga an thi tak sikin school a kâi thei ta loi a ni. Taksa tiang kut theithiamna (*handicrafts*) tiang chu bêm, sêngkông, mira, etc a dang dang a thei sa a ni.

2. Upa Vansumthang Phuoitong (*Famtâk*) (1932 - 2012)

1 . Ama chibul suina (*His Genealogy*):- A pupui: Ft. Laibuangthang:

1) Ft. Songdarhoi 2) Ft. Songdarkhup (h/o. Ngirtingvong)
Ft. Songdarkhup (h/o Ngirtingvong Bangkheng) => A naihahi irhming: -

- 1) Pi. Vansumnei (w/o FT. Upa Donlalthoi Pena)
- 2) Upa Vansumthang

Ft. Upa Vansumthang Phuoitong irchî

1. A nupui {(tuatir (*Ist*)):- 1) Ft. Tanglalboi (thi ni Nov. 1964). Irnei ni: March, 1958.

A naihahi (*His Children*) => 1) Upa Darrilthoi (w/o Sumvanhli Phirpu)
2) Pu. Darrilsiak
3) Pi. Darrilhoi (w/o Pu Dailo)
4) Ft. Darrilal (naipang laia thi)

2. A nupui (*2nd*) :- Pi. Laldarkhub Bangkheng (d/o Ngirtingngir Bangkheng.):

(*Koiindang Dân Irthianga Irnei ni: -12th January, 1972, at PCI P. Michikhur Bial In. Irneitirtu:- Rev Thangchuoilo*)

A naihahi (*His Children*) => 1) Pi. Darrilvong (w/o Pu Simlalthoi) 2) Pu Darrillom (h/o Rami) 3) Pi. Darrilhli (w/o Raite Zeme) 4) Pi Darrilnei (w/o Hruichonbul) 5) Pi. Darrilkip (w/o Ringa) 6) Rt. Darril 7) Dmt. Lal Ruthi 8) Dmt. Lalnunkim 9) Dmt. Darrilzon.

2. Tianlai hringnun (*Early Life*):-

a) **Suak ni:** - Upa Vansumtang Phuoitong hi tarik 16th January, 1932 ni hin P. Michikhur khua suak a ni. (*Presbytery Office ata record hmu dân a ni*)

b) **Irchuna (*Education*):** -Lekha chu irchu mah. Asan chu tha ruk a ni lai khan a pa le nu an thisana, dontu a nei no sikin School kai

inlian a ni. Khan, inhnunga chu a pu nai (Ft. Ngirtinggir nainu, Pi Laldarkhup hi dongma hrangin a inei tak a ni.

c) **Irneina (Marriage):** - Chart No. 1-na en ro. 1) Irnei masa khan kum 25 mi a ni 2) Irnei inhnina khan kum 36 vel a ni.

d) **Sinthona lama:** - School-ah irchu loi a nia, loiman sin tho mi a ni. Loi sin tho hi a'r hnikpui ual tak a ni.

c) **Irdâina lama:** Foot-ball irdâi hi a lei tuipui ual tak a ni.

3. Kristian changna le Mission sinthona:

a) **Kristian chang nikhua:** - March, 1952-ah Kristian chang a ni. Baptised ni: 16th Mar., 1952.

b) Mission sinthona: -

Kum 1972– 1975 sâng hin Mission Teacher a chang. Appoinment pektu le sponsored-tu chu Haflong Presbytery a ni. A sinthona hmun (*Posting*) chu P. Michikhur a ni. Salary Rs. 15/-. (*Rupees fifteen*) a ni. Khan, kum 1975-ah chu Government ata English Medium School a om tak sikin Mission sinthona teacher chu pai a ni ta. P. Michikhur-ah School kha Dolaichunga tiang thon nok a nia, Pu Thangchunthoi'n a hong enkol ta a ni.

4. Upa Election & Ordination:

1) P. Michikhur Koiindanga Upa Election Ni: - 06th May, 1964.

2) Upa Ordination Ni: -24th February, 1965. A hmun: - PCI Taizol Biak In. 9th Session of Haflong Presbytery. Moderator irhming: Upa Laljualkai Vaiphei.

5. Tualsung Koiindang, Bial, le Presbytery-ah Sinthona: -

a) **Tualsung Koiindang (P. Michikhura) sinthonahai:** - 1) Chairman, 2) Treasurer. 3) S/ School Teacher & Superintendent. 4) Ramthim Chairman. 5) Committee Chairman.

b) **Bial sunga sinthonahai:** -

1. Tang biala sinthona: - 1. Treasurer voi khat. 2) Committee Member.
2. Tuituan biala (1989 -1998) sinthona: - 1. Chairman voi khat (1 term)
3. Michikhur biala (Estd. 1998) sinthona:- 1. chairman voi hni (2 terms).

c) **Presbytery-ah:** -1) Haflong Presbytery-ah Committee Member (S/C. N/C, etc.a chang ngai. 2) Tangram Presbytery-ah Standing Committee Member a lei chang ngai. 3) A dam photin chu Conference, Inkhompui, etc. lei chang irzom mi a ni.

6. Bible irchâng indit tak (*Favourite Verse*): **Jisuan, “Kei hi Lampui le Thutak le Hringna ki ni” (Joh. 14:6)**

7. Hla indit tak (*Favourite Song*): -”*Rinna thla zar ila, kalvari mual lam..*”

8. Pêkna lama (*Giving*): -

a) Soma inkhat (*Tithes*) chu loi-man bu le chimuhai hih kumtin soma

inkhat a pek irzom mai ngai.

b) Christmas programme hi voi khat mani dongin a lâk. Bu le an tinreng am'n a tho zit.

9. A mizia (*His personality*) : - 1) Thuzômna nei mi a ni.

2) Thuhnuaïrol le phûkdai mi a ni. 3) Iamom le takirâi mi a ni.

4) Iamna lama: - Iamna nei indet mi a ni.

10. Hringnun hnungkhôn (*Last Part*): Kum 2005 rengata chu a taksa natnahai a hong oma, irzalin a hong om thiai mai tak a ni. Sin zong khom thei ok ta loiin insung tiang keng a iom ual tak a ni. Tarik 21st April, 2012 (*Saturday*) ni 11 p.m.-ah Rengpa kuang a hringna a irngam tak a ni.

A dam sung kum chu- 80 years, 3 months and 05 days a ni. Tarik 22nd April, 2012 (*Sunday*) ni hin a irsenpui insung mi, Koiindang mi, rual le chimhaiin inpâm le cha ngoi ngoiin irvui liam tak a ni.

CHAPTER - VIII.
NIKHUA LE THILTUNG POIMOHAI
(Important Dates and Events)

- 1928 : N.C. Hills, Assam rama Hrangkhohol nam laia Thurchi Sa (*Gospel*) pung indâr phutna.
- 1935 : Hrangkhohol Kristian (iamtu) masa tak, Suangchungthang baptisma chang kum.
- 1952 : Michikhur khua Kristian chang kum
- 1953, January. : Hrangkhohol nam laia harna (*Revival*) chum masa tak kum; a hmun: - Michikhur.
- 1954 : Tang bial-a Koiindang indingna (*full-fledged Church*) pek masa tak Chaptuk.
- 1956, May : Michikhur Koiindang Puihlinga siam ni (*full-fledged Church*); indanna pêk ni.
- 1958 : Michikhur khua mei ikâng kum.
- 1959 : Tang bial siam (*created*) le inding kum (*3rd Session of Haflong Presbytery 23rd - 25th Jan, 1959, Jahai.*)
- 1960 : Tang bial inkhompui masa tak (1st Session nei kum Tarik 15th - 17th Jan. 1960, Tangpui).
- 1963 : Tang bial Kristian Vanglai pâl (*Christian Youth Fellowship*) inding kum.

b) A sinthona (*His activities / Works*).

i) Koiindang Ordained Upa :- Upa. Thangchunthoi Cholkha hi P. Michikhur Koiindang Upa. hrangin Tarik, 25th February 1980-ni khan 24th Annual Sesion of Haflong Presbytery-in PCI Lalzal Biak Ina namindetna (*Ordination*) pek a ni.

ii) Christian Mission Teacher :-

Pathian Rama sinthona hin Upa. Thangchunthoi hi kum 1974 - 1979 sâng hin Dolaichuanga khua Mission Teacher sin a tho. Appointment pêktu le infâtu chu Haflong Presbytery a nia, a hlo chu tha khata, Rs. 15/- (*Rupees fifteen*) only a ni.

iii) Tualsâng Koiindang Local Church :-

Secretary, Chairman, Sunday School Suprintendent le Teacher Committee Chairman a lei chang ngai a ni.

iv) Bial le Presbytery a sinthona :-

Hrangkhohol Kristian vanglai Inkhompui (HKVI) Chairman, Tuituan bial Chairman (1992) Michikhur bial chairman, Presbytery Moderator (1995), Presbytery Thupui hruaitu a ni. Presbytery le bial Standing Committee member, Michikhur bial Finance Secretary (2001) lei hong chang ngai tak a ni.

v) Inkhômpui le Conference Seminar :-

Dam phot a nin chu Synod Presbytery le Bial Inkhompui, Upa. Conference, Bial Seminar hi a lei chang ngai a ni. Kum 2012 tena hin Tangram Presbytery Upahai Conference voi 17th-na (somhlei-sari)-na nei a ni taka, Upa. Thangchunthoi hi kumin 2012 tena voi 9 (kuak) a fe tak a ni.

Thu le Hla tiang indithai (*Favorite Bible Verce and Song*) Bible irchang indit tak chu (Johona 11 : 28) a ni Hla indit tak chu Kristian Hla bu a No. 166 a ni.

4. Upa. Laldarril Bangkheng Thurchi:-

a) Tianlai a Thurchi le insûngkua thurchi (*His early life and family life*) :- Upa. Laldarril Bangkheng hi tarik 5th August 1951 ni khan P. Michikhur khua suak a ni. Apa irhming chu famtak Ngirtingngir Bangkheng a nia, a nu irhming chu Buangkhpunei a ni. Upa. Laldarril insungkua le u le sanghai (*blood brother and sisters*) chu hiang hin tarlang a ni.

1. Upa Laldarril (w/o Pi chungnungle), P. Michikhur.
2. Pi Laldarkhub (h/o Upa Vansumthang (Ft.). P. Michikhur.
3. Pu. Laldarsiak (h/o Moichonhli), Tangpui.
4. Pi. Laldarhoi (w/o Tongneithoi), Lungkhok

Upa. Laldarril hi kum 1974-ah khan Pi. Darchunhoi leh an irneia, khannisian Pathian rem tima sikin mani kum 1978-ah khan an irsen nok tak a ni. Khan 1980-ah Pathian dân irthiangin Pi. Chungnungle leh hin Koiindang dân irthiangin P. Michikhur Biak Ina irneina kut-irsuaina nei a ni. Irneitirtu chu Rev. Kaikhogen a ni. Pathian ata ril a râ naipasal 3 (*three sons*) le nai nupang 2 (*two daughters*) an neia, an naihai irhming chu ûlian dôn ata hiang hin tarlang a ni.

1. Pi. Roingirkhub - suakni 15th Jan 1982 (w/o Pu. Lalzoithang), Lower Michikhur.
2. Rt. Roingirthang - suakni 10th April. 1986 (*Student*)
3. Dmt. Roingirnei - suakni 15th Sep. 1989. (*Student*)
4. Rt. Roingirthoi -suakni 24th Oct. 1992. (*Student*)
5. Rt. Amos Lomngirsang - suakni - 3rd Oct. 2002. (*Student*).

Irchuna (*Education*) lama chu Upa. Laldarril hi School-ah Lekha irchu nimaka; khannisian, mani hrang khô chu tep le ziak a thei. Khan, kum 1972-ah khan Assam Ragiment of Battalian a sin a tho tak a ni.

b. A sinthona (*His works / activities*)

i) Tualsûng khua le Koiindang (*Local village and Church*):-

Upa. Laldarril hi kum 1952-ah khan Kristian changin, baptisma a changa, kum 1965 ata P. Michikhur Koiindang darpu a ni. kum 1967 - 1968 sùng hin Koiindang vanglai chairman a ni. Kum 1970-ah khan Koiindang ziaktu (*Secretary*) a chang a khotâng sinthona khom 1982 ata sin a tho. Kum 2006 ten Michikhur khosûnga G..B. (*Gau-Bura*) a ni. Khan Koiindang sinthona Upa. le G.B sin suam hi asa ti maka khosung

G.B sin hi ki mâkpai tak a ni. Kum 1983 -1984 sùng hi Koiindang ziaktu (*Secretary*) a ni. Kum 1985-1986 sùng hi Koiindang sum enkoltu (*Treasurer*) a ni. Kum 1987-ah Koiindang sunday school hruaitu a chang Kum 1988-ah Koiindang chairman a chang nôka, kum 1989-ah hin sunday school suprintendent a ni. Kum 1997 - 1999 uông hin Tualsûng Upa a changa kum 2002-ah hin tualsûng Upa. a ni.

ii) Government Sipai.

Tarik 19th January 1972-ah hin sorkar sipai Assam Regt. 7 Battalian a nia, Tarik 15th January 1982 -ah hin a sinthona (*sipai*) ata volenteer-in Regt. ata a zuang izôk tak a ni.

iii) Koiindang Ordained Upa:

Michikhur Koiindang Upa hrangin tarik 26th April, 2012 ni khan Upa Election-ah dân irzik suak takin inthang (*elected*) a ni. Khan, tarik 16th February, 2003 ni khan 10th Annual Session of Tangram Presbytery-in PCI Mualpong biak Ina naminetna (*Ordination*) pêk a ni.

iv) Bial le Presbytery -ah a sinthona :-

Kum 2006 - 2007 sûnga hi Michikhur khua Michikhur Nupang Pâl (PWF) Adviser a nia, Kum 2011 - 2012 sûnga hin Michikhur bial chairman a chang.

Atun hin Michikhur Koiindang Upa. sintho lai tak a nia, loimân sinthona le irhuan, sial vâiin Michikhur khua hin sinthoa om a ni.

- 1985 : N.C. Hills Kristian Golden Jubilee (1935-
1985) hmang a ni Tarik 1st - 3rd February
1985 Chaptuk.
- 1987 : New Michikhur Koiindang Puihling siam kum;
Tarik 5th April 1987 ni siam a ni
- 1993 : Tangram Presbytery inding kum Tarik 25th
April, 1993, ni PCI Zion-ah dân ang takin
siam a ni. (*Officially constituted*).
- 1998 : Michikhur bial inding kum.
- 2009 : Tang bial Golden Jubilee (1959-2009) lomna
nei a ni Tarik 17th Jan, 2009), a hmun Tang-
pui.
- 2010 : Hrangkhol Kristian Gospel Platinum Jubilee
Celebration (1935 -2010). Tarik 20th February,
2010, a hmun: PCI Zion.
- 2011, October : Michikhur khua-ah Electrict Current a hong lût.

CHAPTER - IX THUKHARNA (*Conclusion*)

Michikhur Koiindang hin Thurchi Sa (*Gospel*) an dongna kum 1952 ata lâkin kumin 2012 sâng tenh hi kum somruk (*sixty years*) -na, Diamond Jubilee a hong phâk taka; khasikin, Pathian kuanga lomthu hriina programme nei hrangin Jubilee lomna nei hrangin irsiam a ni. Jubilee Thupui: Thurchi Sa sinthotheina (*The power of the Gospel*) a ni. Kum 60 sâng hi Pathian Irtha'n Koiindang a hruaia, Gospel sinthotheina'n mihriamhai chung a sin a tho sikin nun danglam zelin an hong om thiai mai a ni.

Pathian hruaina zara ram le nam khom masonna a hong om thiai taka, Gospel sikin mitin zalenna ei hong hmu thei taka ni.. Khasikin, Hringna Gospel nin dongtirtu ei Pathian chu roinpuina le inlalna inkhumtirin om ri se.

Hi Khua le Koiindang mipuihai le iamtu murdihai Pathian Irtha hruaiin, taituanin ompuihai mai ri se. *Amen.*

MICHIKHUR KOIINDANG

GOSPEL DIAMOND JUBILEE

(1952 -2012)

60 years



A

SOUVENIR

of

Gospel Diamond Jubilee

PCI Michikhur

Ziaktu:

Rev. Sumchonlal Hrangkhoh

Published by: - Michikhur Koiindang (PCI)

*December 2012
31st December, 2012*